



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

Komunikadu Imprensa
Periodu: Setembru 2009
Edisaun: Setembru 2009

Tribunal Distrital Dili Kontinua Rona Testemunha Kazu Atentadu 11 Feveiru

Tribunal Distrital Dili iha loron 23 Setembru 2009 kontinua rona tesmunha nain tolu husi Prokurador kona ba kazu atentadu ba Presidente Republika (PR) no Primeiru Ministru (PM), ne'ebe resulta PR kanek todan i Major Alfredo Reinado Alves ho nia membru ida mate. Ambiente sala julgamentu la hanesan bai bain tamba testimonha sira deklarara buat balu ne'ebe interasante. Testemunha VA nudar Alfredo nia aman hakiak deklarara katak sempre kontaktu no vizita Alfredo nudar ninia oan wainhira Alfredo sei iha ailaran hamutuk ho nia maluk sira. Deklarara mos katak kuinese arguida AP nudar advogada Alfredo nian. Testamunha ne'e nudar mos Membru Konselhu de Estado hetan orden hosi PM Xanana Gusmao visita arguido GS no AD iha Prisaun Becora maibe testamunha ne'e rezeita atu konta tuir kontiudu visita ne'e tamba konsidera segredu. Maibe Defensor ida husu ba tribunal atu hakerek karta ba Ministeriu Justisa atu konfirma assuntu ne'e segredu ka la'e tuir artigu 128 pontu 3, Kodigu Prosesu Penal.

Segundo testamunha RL mos deklarara katak sempre hasoru malu ho Alfredo tamba fasilita grupu Alfredo atu kria dialogo ho Estado kona ba problem ne'ebe sira infrenta. Testemunha ne'e mos deklarara ba tribunal katak nia maka sosa rasik farda militares nebe maka grupu Alfredo sira usa nee iha Jakarta. Maibe osan nebe maka Testamunha uza hodi sosa farad nee husi Alfredo rasik. Testamunha ne'e mos iha nia depoimentos akuza PM Xanana nudar Autor krize 2006 i **akuza** mos Governo anterior tamba laiha vontade politika hodi resolve kazu petisionariu. Segundo testamunha ne'e mos hateten nia hetan informasaun husi fetu ida ho inisial (EM) katak iha loron 10 Feveiru 2008 EM ho arguida AP liu husi rezidencia Presiden da Republica hodi observa situasaun. Testemunha ne'e mos hetan informasaun husi arguido MC depois atentadu, katak antes sira (grupu Alfredo) tun ba Dili, sira simu, hemu droga no hetan ordem husi Arguida AP atu assasina Presiden da Republica no Primeiro Ministro, ne'ebe hateten "tun ba Dili oho tiha Asu rua ne'e".

Testamunha ikus liu **R**, mai hodi fo deklarasaun ba tribunal katak iha dia 11 de Feveiru nia rona kilat tarutu dala tolu iha rezidencia Presidente da Republica, no hare ema halai paniku, maibe nia lahatene saida maka akontese, nune'e nia la hatan perguntan ne'ebe mai husi Juiz, Prokuradores, nomos husi Defensores sira.

JSMP espera no fo korazem katak, testamunha sira tuir mai sei hatoo sira nia depoimentos ho livre, brani ho konsensia tomak sei koali lia los ba tribunal hanesan testimonha RL ne'ebe hato'o ninia depoimentu ho brani, livre i hatete sai buat ne'ebe nia hatene kona ba kazu atentado.

JSMP preokupa uitoan kona ba depoimentos testamunha VA nebe hateten katak, nia ba visita Salsinha ho Susar iha Prisaun Becora depois de akontesementu atentado tanba hetan ordem husi Primeiro Ministru sein kuinesementu husi arguido nia defensor ou advogado sira. Se testimonha VA nia depoimentos mak loos, JSMP hanoin katak Primeiro Ministro nudar vitima ida ba kazu

ida ne'e, lolos la fo ordem ba ema ida hala'o enkontru segredu ho arguidu sira tamba sira mak nudar autor no vitima iha kazu ida ne'e.

JSMP mos hano in katak advogadu, prisoneiros sira, familia ka ema ne'ebe hatudu hosi familia mak iha direitu atu komunika livremente ho arguidu sira kuandu detain hela iha prisaun preventiva tuir artigu 60 pontu 1 letra f no g, CPP. Karik hosi ema seluk, tenke hetan kuinesementu hosi arguidu ida idak nia advogadu. Prisoneiros ou arguidos sira mos bele hetan vizita husi instituisaun nebe maka serbisu iha areia Direitus umanus hanesan PDHJ, Unidade direitus umanus UN no Cruz Vermeilha, karik iha indikasaun violasaun direitus umanus hasoru sira.

JSMP enkoraza Tribunal Distrital Dili atu simu rekerementu ne'ebe hatu'o husi defensoria Publicu, Andre Fernandes kona ba konfirmasaun segredu estadu nian ba Ministeriu Justisa.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun E-mail: luis@jsmp.minihub.org

Landline: 3323883